

清·徹悟禪師云：

善淡心性者，必不棄離於因果。  
深信因果者，終必大明平心性。

# 萬法歸心錄

清·祖源禪師著

美國德州奧斯汀淨宗學會印贈



清 · 祖源法師 著

# 萬法歸心錄

美國德州奧斯汀淨宗學會 印贈

國家圖書館出版品預行編目資料

萬法歸心錄 / (清)祖源禪師著。--初版。--

臺南市：和裕，1998[民87]

面： 公分

ISBN 957-8921-68-3(平裝)

1. 禪宗

226.6

87002185

# 萬法歸心錄

著述者：清·祖源法師

印贈者：美國德州奧斯汀淨宗學會

會址：4800-B North IH35 Austin Tx 78751 U.S.A.

電話：(512)302-4426

打字排版：和裕出版社編輯部

出版承印：和裕出版社

地址：台灣省臺南市海佃路2段636巷5號R.O.C.

電話：(06)2564145-7

傳真：(06)2566449

●非賣本●歡迎翻印●

1998年三月印贈12000本

迴向偈

願以此功德 莊嚴佛淨土  
上報四重恩 下濟三途苦  
若有見聞者 悉發菩提心  
盡此一報身 同生極樂國

助印【萬法歸心錄】功德芳名：

美金

三〇〇〇元：應再隆闔府

美金

二〇〇〇元：陳益川、陳正剛闔府（李雪華、童繼傑、解思濬）

美金

八〇〇元：廖陳淑媛闔府（廖甘妹、廖文寧、廖思佳、張靜遠、

Michelle 張、溫文皓、溫玄炳）

美金

七〇〇元：王秀琴闔府（王步通、王清榮、王秀月、王惠珍、

王怡文）

美金

五〇〇元：①妙音居士、②三寶佛弟子、③官有志闔府、

④（林劉玉瑛、杜林義妹）

美金

二〇〇元：米瀛生闔府

美金

一〇〇元：①無名氏、②吳阿港、③簡耀堡闔府

美金

五〇元：蘇碧珊

台幣

一二九五九元：陳名義

台幣

一二〇〇〇元：①（張有白、張李錦屏）、②（張惠豐闔府）

以上共計：美金九〇五〇元整

台幣三六九五九元整

## 萬法歸心錄序

余非釋氏，而輒喜釋氏之書，非喜釋氏也，喜釋氏而同乎孔氏也。孔氏之書，平近切實，智愚共遵。釋氏之書，微妙玄深，難以戶說。若於微妙玄深中，仍能平近切實，雖謂釋氏同孔氏之書可也。萬法歸心錄者，小楊山祖源禪師所著也。禪師道誼超深，直窺無上，憫苦海茫茫，欲舉斯世盡登彼岸，爰著是錄，以覺群迷。其名萬法歸心者何？心本至虛，包裹萬有，放之瀰淪六合，返之不盈一掬。周子所謂無極而太極，中庸所謂大本達道，夫子所謂一貫，易所謂洗心退藏於密，舉視此矣。今試取其錄，一一觀之，於俗問見善與惡之所以別於

儒，問見儒與釋之所以同於道，問見釋與道之所以異於僧。問闡發禪理，上證菩提，朗朗乎如日星之經天，吁觀止矣。從來禪師多有語錄，妙悟微言，未易通曉，唯是錄深切著明，極坦白，卻極精深；極高玄，又極平實。上士聞之可以見性明心，下士聞之亦足修身寡過。雖同四子之書，家絃戶誦，焉奚不可也。吾聞西方上乘，不立語言文字，是錄毋乃豐干饒舌乎。然不立語言文字者，所以明宗；語言文字，所以廣教。宗與教，初非有二，則有言同於無言矣。知有言同於無言，方許讀是錄。

康熙十五年季冬 賜進士出身國子監祭酒內翰林院侍講

左春坊左贊善兼內翰林弘文院檢討翰林院編修誥敕撰文  
乙未會試同考加三級北平金鑑敬題

序

昔巖頭以德山不知末後句，仰山謂香巖不知祖師禪，機  
鋒相對，辯難異同。竊嘗疑之，以為吾儒千聖相傳，心  
外無法，法從心生。故舉一可以統萬，合萬不離乎一，  
舍是之外，不免參差。今觀祖源禪師語錄，以萬法歸心  
為宗旨，何其與吾儒之旨相合也。諸所謂建瓴懸河，辯  
才無礙，愚何從窺其涯際？原其真實了義，燈燈相續，  
如如不壞，自有日色；起滄海河流，振崑崙，不現色  
相，得自在。非待攬鏡光，挹勺水，可以依稀彷彿

者。蓋佛法自馬祖以後，大慧以前，正令接物，皆顯大機大用。嗣後千支萬派，莫不匯歸一源，即如師友兄弟，相資教益。在世法為鬪諍，在佛法則酬唱。而已服是教者，會乎是錄之意，可以近取，可以遠推，可以就釋而言釋，亦可以不言釋而無非釋。此在大乘法器，且不能出其範圍，矧淺學初機，亦何敢望崖思退？夫照用權實，料簡回互，主賓歷歷，不待言詮。豈必李叟過流沙而為浮屠，阿難登雪山而度仙眾，而後為開導有情，表彰正覺哉？

康熙十五年季冬吉旦

禮部祠祭清吏司主政加一級高密任琪薰沐敬撰

序

先儒有言，同一理也，儒者得之為儒，佛者得之為佛，仙者得之為仙，旨雖殊塗，理本一致。故王文成先生與人談儒，恆以釋宗詮之，與僧談禪，恆以儒書曉之。此不特善於觀儒，抑且善於明釋矣。夫所謂釋者，非盡以入山門，坐靜室，敲魚溫咒，便為脫然浮塵之外；要以卻妄想，還真如。世人轉智以成識，而如來欲人轉識以成智。世人昧性以適情，而如來欲人引情以歸性。其於儒者遏欲存理之意，實相符也。自其心之無放逸，則為戒懼慎獨；自其心之無人我，則為是法平等；而必欲判釋與儒為二者，則過矣。金剛經云：如來無所說。楞嚴

云：但有言說，都無實義。則是清淨法宗，不假言詮，不落口諦，此固最上乘之訣，而又何有於大藏諸書也。雖然上智返心而即是，中材開卷而思義。所謂文字般若，與實相觀照，並峙為三。禪家所謂將密口以代苦瓜，引人入勝地者也。祖源禪師手輯一錄曰：萬法歸心。夫心者，真如之體。法者，真如之用。心不能離法以為源，法不能離心以為宰。故金剛經云：如來者，即諸法如義。所謂如如不動，了了常知也。禪師為都人士名宿，得臨濟真傳。其手輯一書，以廉洛考亭之學，闡菩提無上之宗。謂之行釋也可，即謂之翼儒也可。而世之慧者，由文字以究無文字之始，由無文字以思著文字

之原，則不越寂照二字。而山河大地，全露法身；地水風火，俱無實據。而世界微塵之象，俱不足以係其心。則不窒於文字般若之義，并不負於祖源禪師彙輯之衷，庶幾有得云爾。

康熙十六年季春吉旦 賜進士出身翰林院庶吉士嶺海鄭際泰薰沐敬題

序

心是萬法體，萬法是心用。法不離心，即波是水。體能發用，水動成波。是知一切法是心耳。心本空寂，因法立名。淨法者，人、天、聲聞、緣覺、菩薩、如來。染法者，脩羅、旁生、地獄、鬼趣。染淨雖殊，總是心

影。若悟真心本空，萬法自然消殞。今小楊山祖源禪師，乃是庵村浮石老人之孫，江西上藍天峰和尚之子。洞究教典，深達禪宗，了第一義，證最上乘，辯才無礙，真法幢耳！禪師悲心提誘後學，拈一卷歸心錄，直指妙源。實際錄中，言言見性，句句明心，可能蕩滌邪執，掃除異見，直證菩提，頓成佛道。真是苦海之慈航，岐路之善導。愚宿生慶幸，而得遇斯文，頓絕狐疑，了然心地。予才拙陋，知見機淺，無足發明深奧，略序以表師恩。

旨

康熙歲次丁巳上元日

古燕體如居士劉芳沐手敬序

# 萬法歸心錄

## 自敘

空劫以前，威音那畔，佛與眾生無名，各具一圓明鏡，眾生無故。淨白光中，瞥起動心，昧却本明，變生世界，眾生業果。生死死生，相續不斷，沉迷三界，匍匐九有，從迷至今，無有悟日。若不斷流返源，何時方能頓脫？須悟萬法歸於一心，為轉世智而成佛智；可謂會百川為一瀝，搏眾塵為一丸，融環釧為一金，變酥酪為一味。斯一心法，理事圓備；十方諸佛，一切眾生，皆同此心，無欠無餘。諸佛已覺，眾生不知，故有凡聖迷悟之名。愚不肯袖手旁觀，指一條歸心正路。古云：妙

高頂上，從來不許商量。第二峰頭，諸祖略容話會。故假申問答，說十條名相，證明一心，普施含靈。一者警省俗迷，返惡歸善。二者同儒論理，掃除異謗。三者與道辯偽，不向外求。四者頓悟修證，直超佛域。五者教乘差別，細示一心。六者惟心淨土，佛非外來。七者禪分五宗，理無二致。八者十魔亂正，養道預防。九者經語引證，斷疑憑信。十者勸善印施，答報佛恩。外附遜世山居絕句二十偈。愚少乘善根，偶窺至道，故僭伸管見，請正大方，實非臆見，惟順佛乘。如有後昆，閱錄有訛，求哀懺悔，誤法之過。設合聖心，依教奉行，他日同赴龍華，授記成佛有分。

大清康熙十五年十二月佛成道日

傳臨濟正宗三十三代嗣祖沙門祖源超溟道人題

目 錄

一、警省俗迷·返惡歸善	一五
二、同儒論理·掃除異謗	三一
三、與道辯偽·不向外求	六五
四、頓悟修證·直超佛域	九一
五、教乘差別·細示一心	一二三
六、惟心淨土·佛非外來	一四七
七、禪分五宗·理無二致	一五九
八、十魔亂正·養道預防	一九一
九、經語引證·斷疑憑信	二〇一
十、勸善印施·答報佛恩	二一四